



Peter Olsen
Inatsisartunut ilaasortaq, Inuit Ataqtigiit
inatsisartut@inatsisartut.gl

§ 37 naapertorlugu apeqqutip 205/2020-p akineqarnera

Apeqqutigisannut uannit akisassanngortinneqartut pillugit qujavunga. Apeqqutigineqartut tullinnguuttuni taaqqinneqarput, kinguneratigullu akissuteqarfigineqarlutik.

1. 2019-mi ukiakkut ataatsimiinnermi imm. 128 & 134 inatsisartunit akuersissutigineqartut, Naalakkersuisunullu suliaqutiginneqartut, suliaqut taakku sumummita killiffeqarpat?

Akissut:

Immikkoortut 128 ” Annerpaamik 0,2 procentimik THC-mik akulinnik cannabisimik nioqqutissiat (tassani cannabisolia aamma eqqarsaatigalugu) inertequtaajunnaarsinnissaannik Naalakkersuisut suliniuteqaqqullugit Inatsisartut aalajangiiffigisassaattut siunnersuut” aammalu 134 ”Danskit misileraanerattut ittumik nakorsat ataasiakkaat immikkut akuersissummik piniaqqaaratik nakorsaattut akuerisaanngitsumik cannabisimik nakorsaasiillutik nakorsaanissamik periarfissaqarlarsillugit misileraanermik aallartitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut” 2019-imi ukiaanerani ataatsimiinnerup nalaani akuersissutigineqarmata, 2020-mi upernaajunerani ataatsimiinnissamut Inatsisartut Inatsisisaanik nutaamik siunnersuuteqarnissamik saqqummiussisoqarnissaa pilersaarutaasimavoq. Siunnersuuteqarnikkut cannabisimik nioqqutissianik annerpaamik 0,2 procentimik THC-mik akulinnik atuisinnaanissaq periarfissaqalartussanngortinneqarsinnaassalluni, aammalu cannabisimik nakorsaasiilluni nakorsaanissamik piunnaasaqatit sakkukillinnerisigut misileraalluni aqqissuussinnaanermut ersarissumik inatsisitigut tunngavissaqarnissaq qulakkeerneqartussaallunilu.

Tamatuma kingorna siunnersuutip piareersarneqarnissaa Covid-19 peqqutaalluni kinguaattoornikuuvoq. Taamaammat siunnersuutip Inatsisartunut saqqummiunneqarnissaanut suli piareerneqanngilaq.

1.a. Annerpaamik 0,2 procentimik THC-mik akulinnik cannabisimik nioqqutissiat (tassani cannabisolia aamma eqqarsaatigalugu) qaqugu inertequtaajunnaarsinneqarnissaat Naalakkersuisunit naatsersuutigineqarpat?

Akissut:

Annerpaamik 0,2 procentimik THC-mik akulinnik cannabisimik nioqqutissianik inertequtaajunnaartitsinissaq, inatsisissatut siunnersuutissaq

11-12-2020
Suliap normua 2020 - 25529
Allagaat nr. 15527357

Postboks 1160
Oqarasuaat: 34 50 00
Allakkasuaat: 34 55 05
3900 Nuuk
Email: pn@nanog.gl
www.naalakkersuisut.gl

naammassineqareersimasoq Inatsisartunit akuersissutigineqareerpat siusinnerpaamik pisinnaavoq.

Covid-19-imut atatillugu suli annertuumik suliassaqarnerunera peqqutaalluni, siunnersuutip Inatsisartunut saqqummiunneqarnissaanut naatsorsuutigineqarneranut tunngatillugu nalorninartoqarsinnaavoq. Taamaattorli naalakkersuisoqarfiup covid-19-imut atatillugu immikkut ittumik suliassaqarujussualissanngippata, taava siunnersuut 2022-mi upernaakkut ataatsimeersuarnermi saqqummiussinnaassallugu naatsorsuutigaara.

1.b. Danskít misileraanerattut ittumik nakorsat ataasiakkaat immikkut akuersissummik piniaqqaaratik nakorsaatit akuerisaanngitsumik cannabisimik nakorsaasiillutik nakorsaanissamik periarfissaqalersillugit misileraanermik aallartitsinissaat qaqugu piviusunngortinneqarnissaa Naalakkersuisunit naatsersuutigineqarpa?

Akissut:

Danskít misileraaneranni peqataasinnaanermut periarfissanik sukumiinerusumik misissuinerallimmik nassuiaammik suliaqarnissaq, Inatsisartunit aalajangiussap akuerineqarnikup, 2019-imi ukiaanerani ataatsimiinnermut immikkoortu 134-ip akuersaarneqarsinnaaneranut alloriarnissamut attuumassuteqartutut isigaara. Siusinnerusukkut ilisimatitsissutigineqareersutuulli nassuiaat taanna 2021-imi ukiukkut ataatsimiisitsinermi agguanneqarumaarpoq. Nassuiaammi tassani piffissaliussaqaq sorleq aallaavigalugu suliniuteqartoqassanersoq annertunerusumik nassuineqarumaarpoq.

2. Tassunga tunngasumik Naalakkersuisut allamik oqaasissaqarnerpat?

Akissut:

Naamik, allanik ilassutissaqanngilanga.

Inussiarnersumik inuulluaqqusillunga
Med venlig hilsen



Anna Wangenheim